

大漢日報

"THE CHINESE DAILY NEWS"

PUBLISHED BY

TAI-HON YAT-BO PUBLISHING CO., LIMITED.

PHONE SEY. 7092 P. O. BOX 260
THE ONLY CHINESE DAILY
PUBLISHED IN CANADA
ESTABLISHED 1906

ENTERED AT THE POST OFFICE AT
VANCOUVER, B. C. AS SECOND
CLASS MATTER, TEL. ADDRESS
"TAIHONBO"

VOLUME 3 NO. 249

443-445 CARRALL ST., VANCOUVER, B.C.

FRIDAY, JANUARY 1st. 1915

\$ 7.00 PER YEAR

陰歷十一月七日 (號咒百二第卷叁第紙聞新) 日一月正年四國民華中

喊線詩磨七百零九十二號 (日五拜禮) 號十六百二箱信報本

椒花頌

本館論說一

本報八週年回顧之小言 (通約)

記者年來為本報著論。述七年間經過之戰線。迄今溯之。似尚能立于不敗地位。此皆道實語。非涉於自夸也。獨惜吾民德未進。一羣之思想行事。無非以感情為變遷。華僑於我國歷史學術之隔閡。抑又甚焉。予蒙帝者厚愛。錫我以正法眼藏。直道待人。往往受客感之反響。昔日最親者轉而最疏。昔日最信者轉而見疑。豈真我之知識闇昧。果近退化歟。何以列強饒於常識之政治家。與吾國富於經驗之通達治體者。均與予之見析合無間也。嗚呼。陽春白雪。曲高和寡。引商流徵。知音愈希。要惟真理不可磨滅。國是有賴。華僑中亦不乏高瞻遠矚之人。流光荏苒。又越一週。明知覆轍。并類黃花。然為本報八週年完滿紀念計。安得不如童子覆書。供先生之一清聽也。

二十世紀。君權凌替。異族政府。暴虐斯民。昔唱保皇。今唱復辟。此等清流。不啻夢囈。本報發生于坎拿大八年前之第一日。即與君權黨鏖戰。此本理直氣壯而獲戰勝者此其一。

坎屬僑民。無慮數萬。不有領事。奚資保護。光緒季年。白人工黨。遊街示威。聲言驅逐。僑胞幼稚。大生恐慌。本報刊發傳單。鎮靜吾民。自茲以後。派駐領事。大小之事。有所交涉。則本報所以有補助於僑民無限者此其二。

矢機之觸。近於眉睫。華埠中。街號廣東。白妓充斥。粉紅黛綠。青年工界。頻葬火坑。本報惻然憫之。大聲疾呼。英官公道。赫然廓清。迄今華埠。搗風淨絕。本報有助於僑胞者此其三。

湯武革命。有功中原。斯義蔽塞。談者色變。本報認定斯旨。不畏強權。垂以空言。徵諸事實。辛亥以前。欺騙十萬。廣東光復。伊誰之力。僑界迷夢。豁然而醒。則本報報効微力於民國者此其四。

破壞既去。建設伊始。外患岌岌。內訌宜戒。天下為公。先除會黨。太炎唱之。本報和之。同盟鉅公。肯聽忠言。奚有今日。故洪門奏功。正當社會。公府明認。則本報為洪門嫡派。不再助破壞者此其五。

黨禍漸發。民國動搖。張方一案。先為其狀。借債索案。繼續橫生。輾轉難離。實意中事。不張撻伐。禍伊胡止。本報為大同計。親者亦誅。羣言淆亂。充塞美洲。墨砲筆鋒。縱橫決壘。迄今奉奏。功者此其六。

科學發達。宗教式微。唯物派起。唯心派衰。今日歐戰。彰彰可見。老朽頑固。尚揚死灰。昌教厄言。喧囂聒耳。宗社黨伏。拘文牽義。復辟謬說。張胆明目。本報力闢國教。具先見之明。洵後日之禍。則樹義之堅定者此其七。故黨魁遁逃。餘匪助燄。機關遍布。煽惑謠言。白狼小醜。故

為張大。亂黨日殺。故為掩飾。三次革命。終成幻影。本報屹立不動。對內則為洪門保名譽。對外則為全僑障支流。則記者居留北美八年。堪告無罪於有知識華僑此其八。以上八事。均舉其大者而言。皆本報八年間經過之實事。其成績如此。今後有如何態度發生。倘仍如現在不立憲之共和。雖政府不忘監督之責。倘他時有悔禍之亂黨。雖仇敵亦訂友誼之親。區區之心。天下後世。可共白焉。

論說二

某國實非我國元首之敵 (通約)

▲神武不殺 ▲吾亦建之

太史公之於張留侯也。其始則以豪傑稱之。以其能行人所不能行。能忍人所不能忍。其終則以其狀如婦人女子。不稱其志氣。嗚呼。史家如司馬子長者。非民史時代之人物。乃國史時代之偉大人物。豈真文不對題耶。抑有所為而言耶。吾知史公斷不出此。乃以詭譎奇詭之寫生妙手。抉出留侯之懷抱之志趣。獨於前後照應間之筆墨形容盡致而已。換而言之。明留侯乃漢代中一完全才大心細之英雄。博浪椎擊不中。隱身遁形。終不為專制獨夫所獲。本其堅毅恆忍之性。卒能為國復仇。為人民脫暴虐而謀休息。不可謂非古今英雄中之有數者矣。記者乃于我國近世史求之。無有過於當今大總統袁世凱者。吾得由辛亥革命以迄今日。綜其所經過之艱鉅。及某國人之種種敬視。與吾輩善知識者共證之可乎。

當南北相持不下之日。在某國明知南京臨時政府之所謂假總統者。言誕而夸。雖百里之小。尚不能統治。矧此五族之大國耶。其時北京之外交團。稍具世界眼光。不存野心妄想者。舍項城一人不能肩任。惟某國公使奉其國總理大臣之命。已祖謝矣。極力反對。幸英公使朱爾典深知我之國情。彼於庚子拳匪一役。即從消極處審察。亦未易於我國可倡瓜分。矧有此革命之朝氣。尚可以推倒滿清。倘無一健者主持國是。微特中國亂無已時。即于世界各國之商務亦蒙受影響也。蓋朱使于拳匪混亂時。知清政府實無能力。且與各國為敵。能於混亂中維持鎮靜者。厥惟項城。此某國野心遂不能逞。而敵視我國元首第一回失敗所由來也。

及項城繼接臨時總統之任。某國之計劃不成。又藉遷都問題。助黨人為虐。榮惡衆聽。其時幸有一士諍。之章太炎。折服群情。同時又京師兵變。各國公使均不贊成以南京為政府。某國浪人之策又失敗一也。

某國政客與浪人。死心不息。伺隙而動。明知同盟會之氣。與反對項城之聲浪。咄咄而來。某國政府為之狂喜。利用其國之新聞界。始而發生於京津滬之機關。如銅山鐘聲。洛鐘響應。繼則本國內之半官報。其口吻亦出一轍。甚至繪出我國元首之機變狀。竟與某日妓開酒等圖畫。其厚誣謗於斯已極。若我國報帶反其道以行之。毋乃惹起國際交涉歟。然我偉大國。自有偉大之度量。項城視之若無物。并勸國人顧全國誼。勿為輕舉妄動。及時機一到。

謹頌

年禧

○詩不亞公司緊要通告

啓者本公司之印度皇后與滿提高二輪今已為英國海軍部調用茲所有本公司往港輪船一概停止俟遲日再續行駛然後宣佈此啓

東亞商務司徒施謹佈

旋東 指日

地羅波理司總務客
H. W. Brodie
General Pass. Agent,
C. P. R.
Vancouver, B. C.

三益李
莊煥

市卜見
劉進

雷振打
昌開

美利慎
鐵

波蘭頓
灼

火威陳
富

華市阻
生

列必廣
安和

老市密
天德

加沙市
利

廣昌源
雷

卡恩利
福

廣德陳
文宗

舍路
記

汝利慎
水

益昌鄭
新

二埠
錦和

本公司
各處華客
司理員
云高巴
永生葉
域多利
李九夢
址住信通施徒司
Seto More
Asiatic Pass Agent,
C. P. R.
Vancouver, B. C.